

海角嚶鳴 (卅六)

乃偉

△癸丑元旦賀年代簡 葉在鋌

吟將吉語賀新禧，首歲傳箋報故知，  
開筆元辰詩代簡，笑君和我已來遲。

△次韻乃偉詞長賀年代簡 成璞完

首春放浪詠新詩，無限深情感舊知，  
怎奈一身羈俗慮，姍姍漫笑我來遲。

△抱病旬餘辭屈春節承乃偉詞

長以詩代簡先期賜賀戲成一

律答之呈政

陳海濤

歲月蹉跎感逝波！微軀孱弱病維摩，  
新春代簡鞭先着，今日報瓊節已過，  
腹儉却慚書味少，腸枯縱索俚言多，  
心期默契忘形迹，莫笑班門弄斧柯。

▲癸丑元夜卽事二首 葉在鋌

(一) 新年轉眼又元宵，歌舞昇平鬧市盤，  
不夜城開燈事盛，萬人空巷湧如潮。

(二)

響天鑼鼓舞龍燈，我武維揚足可矜，  
喜見自強行不息，好將事業濟中興。

△次韻乃偉詞長癸丑元夜二首 陳海濤

(一)

上元清景屬今宵，火樹銀花到處驚，  
康樂復興新氣象，鄉心湧似去來潮。

(二)

爭妍鬪艷賽春燈，物阜民康自可矜，  
歡樂勿忘身在莒，好憑機運濟中興。

△偶 成

陳海濤

人生八苦日相煎，萬象由心造業緣，  
石火電光原是幻，超然物外卽神仙。

△次韻海濤兄偶成

葉在鋌

劫外滄桑百感煎，人生萬事總關緣，  
此身倘許盟鷗鷺，學得忘機便是仙。

△歲次海濤兄癸丑新年抒感 葉在鋌

春送和風漾綠波，流年逐水鬢空皤，  
人情冷暖心難測，世路崎嶇步欲跎，  
漫說有家歸來得，自知無福敢求多，  
恰逢歲首添新感，不唱踏歌唱凱歌。

△元宵節後書感二首 葉在鋌

(一)

燈殘月缺暗無光，節後春城夜欲荒！  
轉眼繁華消已盡，緬懷往事最難忘。

(二)

元宵燈市渺雲烟，空憶城開不夜天，  
鳳閣鰲山何處是？賞心樂事望來年。

不見故國山川已二十四年矣甲寅歲  
二月二十二日台北三電視臺聯播大  
陸實況不禁有化鶴歸來之感

何世倫未是草

殿門無復見朝班，撲地風煙滿市園。  
二十四番春雨後，分明一曲念家山。  
臙脂北地無顏色，金粉南朝喚不回。  
悵望春申歌舞地，幾番却步幾徘徊。  
盲聽吳娘放擢歌，臨流誰與託微波。  
海山風雨鷄鳴夜，又是偷安一夕過。  
懸崖踏遍腳心酸，放眼神州未覺寬。  
欲學唐朝杜夫子，恨無好句詠民殘。

二月廿一日贈宣兒 曾潤琛

輕車何用簇金鞍，卅載前踪回想難。  
湘水黔山渾似夢，勞雲瘴石莫教殘。  
白紗此日披堂出，紅袖當年倚講壇。  
能集衆和惟本色，北軍供帳得閒看。